



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

LXXXIII. De electionibus Officialium in Provincia Papien. FF. Minor. Reform.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

§. 5. Non obstantibus præmissis, ac Constitutionibus, & Ordinationibus Apostolicis, necnon omnibus, & singulis illis, quæ in præinfertis Clementis Prædecessoris Literis concessa sunt, non obstante, cæterisque contrariis quibuscumque.

Datum Romæ apud S. Petrum sub Annulo Piscatoris die XVIII. Decembris MDCCVIII. Pontificatus nostri Anno Nonno.

LXXXIII.

Confirmatur Decretum Congregationis Episc. & Reg. de ratione habenda folius meriti in electionibus Fratrum Min. de observ. Reformat. Provinciæ S. Didaci Papien.

Inn. XII. Const. ed. 1694. Apr. 7. P. 5. statutum fuit, ut Procurator Gen. eligatur in Capitulo Gen. Et hujus Pontificis Const. ed. 1717. Sept. 7. P. 17. agitur de electione Visitatorum pro Provincia Conceptionis B. M. V. Fluminis Januarii.

Dat. 8. Martii 1709. An. 9.

CLEMENS PAPA XI.

Ad futuram rei memoriam.

EManavit nuper a Congregatione Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præposita pro Declaratione Rescripti alias nempe sub die 5. Martii 1693, in Causa Fratrum Provinciæ Sancti Didaci Papien. Ordinis Minorum Sancti Francisci de Observantia Reformatorum nuncupat. facti scilicet, quod nihil innovandum esset quoad divisionem, Decretum tenoris, qui sequitur, videlicet -- In Causa Minorum Reformatorum Provinciæ Sancti Didaci pro declaratione Rescripti alias facti sub die 5. Martii 1693. tenoris sequentis -- Nihil innovandum quoad divisionem -- Sacra Congregatio Eminentissimorum, & Reverendissimorum S. R. E. Cardinalium negotiis, & consultationibus Episcoporum, & Regularium præposita, reasumptis, ac visis juribus, & scripturis datis sub dicta die quinta Martii ad relationem claræ memoriæ Eminentissimi Petrucci, ac mature perpenfis rationibus adductis, referente Eminentissimo de Abdua, censuit, & declaravit, Decretum anni 1693. esse intelligendum, itaut nulla habeatur ratio Nationum, & æqualitatis Definitorii, sed solum meriti eligendorum. Romæ 21. Februarii 1709.

Decretum præd. 1709. quo declaratum fuit quoddam rescriptum an. 1693. in causa perita divisionis.

Preces nonnullorum Fratrum.

Confirmatio relati Decreti.

Claufula.

§. 1. Cum autem, sicut dilecti filii nonnulli Fratres dictæ Provinciæ Nobis subinde exponi fecerunt, ipsi Decretum hujusmodi, quo firmitus subsistat, & promptius executioni mandetur, Apostolicæ confirmationis nostræ patrocinio communiri plurimum desiderent: Nos ipsos Exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pænis a jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, Decretum præinfertum auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adjicimus, salva tamen semper in præmissis auctoritate memoratæ Congregationis Cardinalium.

§. 2. Decernentes, easdem præsentem literas, semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat,

& pro tempore quodcumque spectabit in omnibus, & per omnia plenissime suffragari, & ab eis respective inviolabiliter observari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definituri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit Provinciæ, & Ordinis prædictorum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanfuris, ad præmissorum effectum, hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris die VIII. Martii MDCCIX. Pontificatus nostri Anno Nonno.

Extenditur Indultum de assecutione Prælaturarum ab Urb. VIII. concessum Lectoribus, & Magistris Juvenum Canonicorum S. Salvatoris Ord. S. Augustini ad Religiosos curam animarum habentes.

LXXXIV.

Indultum ed. fuit 1641. Jun. 25. Hujus Pontificis Const. ed. 1709. Jun. 20. P. 8. confirmata fuit Constitutio contra ambientes.

CLEMENS PAPA XI.

Ad futuram rei memoriam.

UDum fel. rec. Urbano VIII. Prædecessori pro parte tunc existentis Abbatis Generalis Canonicorum Regularium Congregationis Sancti Salvatoris Ordinis S. Augustini exposito, quod ipse aperte cognoscebat, ex recta educatione Novitiorum, & Juvenum Professorum quemcumque dictæ Congregationis progressum dimanare, & re ipsa compertum habebat, paucos Ministerio hujusmodi uti difficili, & laborioso animam intendere velle, proindeque rei adeo gravi opportunum aliquod remedium adhibere desiderabat. Idem Urbanus Prædecessor supplicationibus prædicti Abbatis Generalis nomine sibi super hoc humiliter porrectis inclinatus, quod ii prædictæ Congregationis Canonici Regulares presbyteri, qui de cætero laudabiliter spatio sex annorum Magistri, seu Lectores Novitiorum, & Juvenum professorum fuissent, in assecutione Prælaturarum dictæ Congregationis deinceps vacantium, primum quidem Lectores, & deinde Magistri Novitiorum, Juvenumque professorum hujusmodi, quatenus tamen quo ad mores, & regimen habiles a Capitulo Generali, vel a Dietis infra annum haberi solitis, reputarentur quibusvis aliis ejusdem Congregationis Canonicis Regularibus præferri deberent, auctoritate Apostolica statuit, mandavit, & ordinavit, & alias prout in ipsis Urbani Prædecessoris literis desuper in simili forma Brevis die 25. Junii 1641. expeditis, quarum tenorem præsentibus pro plene, & sufficienter expresso, & inserto haberi volumus plenius continetur.

Dat. 18. Mar. 1709. An. 9.

Ab Urb. VIII. concessa fuit habitatio ad Prælaturas Lectoribus, & Magistris Juvenum post sexennium.

§. 1. Cum autem sicut dilectus filius moderatus Procurator Generalis prædictæ Congregationis Nobis nuper exponi fecit Congregatio hujusmodi ob nonnullas Ecclesias Parochiales, quas

Causa extensionis Indulti, & Preces Procuratoris Gen.

obtinert,